



Projekat finansira
Evropska unija

Regionalni program lokalne demokratije na Zapadnom Balkanu ReLOaD



u partnerstvu sa Općinom Gradačac

Izveštaj o održanom Trećem mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD) u općini Gradačac

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD)¹ u saradnji sa Općinom Gradačac, 07.06.2019. godine u trajanju od 12.00 do 14.00 sati održan je treći od četiri planirana mentorska sastanka za zainteresovane predstavnike i predstavnice organizacija civilnog društva (OCD). Termin drugog mentorskog sastanka je najavljen na zvaničnoj internet stranici Općine Gradačac (www.gradacac.ba).

Sastanku je, pored mentorice i predstavnica Općine, prisustvovalo ukupno 4 osobe (jedan muškarac i 3 žene) predstavnice i predstavnik iz tri (3) OCD. Na početku mentorskog sastanka učesnicama je još jednom pojašnjena uloga mentora i mentorica, naglašavajući da je jedina uloga da ukaže na greške, te ne učestvuje u rješavanju istih. Mentorica nema mandat da se direktno uključuje u izradu projektnog prijedloga, te u cilju osiguranja primjene transparentnog pristupa realizacija mentorstva po principu „jedan na jedan“ nije dozvoljena, tačnije prisustvo mentora i jednog predstavnika jedne OCD nije moguće. U toku trajanja javnog poziva, planirana su maksimalno četiri mentorska sastanka, a sve u zavisnosti od interesa predstavnika OCD.

Prvo pitanje se odnosilo na izbor korisnika/ca projekta, da li mogu biti isti korisnici koji su bili u prethodnom projektu koji je implementiran, odgovor je da korisnici projekta moraju biti jasno definisani, te da izbor korisnika mora biti transparentan i da se u projektnom prijedlogu mora jasno objasniti način izbora korisnika i animiranja ciljne grupe te da je izbor korisnika omogućio jednaku šansu za sve koji žele da učestvuju u projektu.

Drugo pitanje se odnosilo na prioritetne oblasti definisane javnim pozivom, konkretnije- da li se jednom projektom može obuhvatiti više oblasti, pri čemu je odgovor bio potvrđan i da organizacija može dobiti veći broj bodova ukoliko projekt odnosno projektne aktivnosti uspješno doprinose rješavanju pitanja iz više prioritetnih oblasti.

Treće pitanje se odnosilo na aktivnosti koje mogu ili ne mogu biti finansirane kroz projekat kao što je jednodnevna posjeta korisnika/ca iz Gračanice drugoj JLS- da li će biti podržana jer bi se mogla protumačiti kao sponzorstvo za pojedince za učestvovanje u radionicama, seminarima, konferencijama, kongresima, studijama i treninzima; odgovor je bio da posjete tog tipa mogu biti odobrene ukoliko se dobro argumentuje zašto je bitno da ciljna grupa posjeti drugu JLS, koliko to doprinosi ostvarenju nekog od rezultata ili ciljeva projekta. Druga OCD je postavila pitanje da li će biti podržane finansijski aktivnosti organizacije kao što su: projekti za dobrobit pojedinaca,

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih naroda (UNDP).



Projekat finansira
Evropska unija

Regionalni program lokalne demokratije na Zapadnom Balkanu ReLOaD



odnosno projekti koji nemaju značaj za širu društvenu zajednicu; dodjeljivanje humanitarne pomoći i dodjeljivanje grantova trećoj strani. Odgovor je bio da takve aktivnosti neće biti podržane.

Četvrto pitanje se odnosilo na partnerstvo, izbor partnera i da li se prijavljivanje OCD u partnerstvu preferira, odgovor je bio- zajednički rad sa nekom partnerskom organizacijom se dodatno boduje, što se može vidjeti u evaluacionoj matrici. Partnerstvo mora biti svrsishodno i povezano sa uspješnom realizacijom projekta. Partnerstva za koja evaluaciona komisija ne utvrdi svrsishodnost sa projektom se neće bodovati.

Peto pitanje se odnosilo na dilemu jedne OCD oko ciljne grupe i opisa problema kod ciljne grupe, s obzirom da se u njihovoj projektnoj ideji pojavljuju dvije totalno različite grupe korisnika/ca (nezaposleni mladi i žene oboljele od karcinoma) sa kojima treba da realizuju određene aktivnosti. Odgovor mentorice je bio da sve aktivnosti moraju biti u korelaciji i logičkoj vezi sa rezultatima i ciljevima, a samim tim i sa ciljnom grupom te opisom problema ciljne grupe. Naglašeno je da je potrebno precizno opisati ciljnu grupu i rezultate koje će projekat imati za njih, te povezati sve to sa tematskim (prioritetnim) oblastima javnog poziva i promjenama koje će projekt ostvariti u lokalnoj zajednici. Ukoliko u projektima ima više različitih ciljnih grupa tj. direktnih korisnika/ca projekta, sa kojima se provode različite aktivnosti koje vode realizaciji totalno različitih rezultata koji nisu u međusobnoj korelaciji i logičkoj vezi, treba voditi računa da li su aktivnosti u korelaciji i logičkoj vezi sa rezultatima i ciljevima te potrebama ciljne grupe i razmotriti mogućnost da je zapravo riječ o dva različita projekta.

Jedno od pitanja je bilo da li je predstavljena projektna ideja dobra, pri čemu je naglašeno da mentorica ne može niti ima mandat da procjenjuje kvalitet projektnih ideja. Za to je zadužena evaluaciona komisija.

Pred kraj mentorske sesije je naveden savjet da svaka OCD koja aplicira na ovaj javni poziv, prije predaje projektnog prijedloga uradi samo-procenu i samo-evaluaciju u odnosu na evaluacione kriterije koje su navedeni u Smjernicama za aplikante i da sami sebe ocijene, idealno bi bilo od strane osobe koja nije učestvovala u pripremi projektnog prijedloga.

Naredna mentorska sesije koja je ujedno posljednja u sklopu ovog javnog poziva, planirana je **13.juna 2019.godine**. Zainteresovani učesnici/ce svoje prijave za mentorsku sesiju mogu dostaviti na e-adresu Općine Gradačac nerma.hm@gmail.com